

# ԱՐՀՄԻՈՒԹԵՆԱԿԱՆ ԱՆՑՈՒԴԱՐՁ

ՓԵՏՐՎԱՐ 2026

ՀԱՆԴԻՊՈՒՄ ՄԱՐԴՈՒ  
ԻՐԱՎՈՒՆՔՆԵՐԻ ՊԱՇՏՊԱՆԻ ՀԵՏ

ԴԱՍԸՆԹԱՑ  
ԴԱՍԸՆԹԱՑԱՎԱՐՆԵՐԻ ՀԱՄԱՐ

► Ի լրացում հիմնական նպատակների, արհմիությունները հաճախ կազմակերպում են ժառանգությունների մի ամբողջ սպեկտր իրենց անդամների համար. փոխօգնության դրամարկղեր, օգնություն բուժման, ժամանցի և հանգստի կազմակերպման զործում:



ԸՍՏ ԷՈՒԹՅԱՆ. ԱԽԹԱԼԱՅԻ  
ՀԱՆՔԱՓՈՐՆԵՐԻ ԳՈՐԾԱԴՈՒԼԸ  
ԿՀԱՆԳԵՑՆԻ ՍՈՑԻԱԼԱԿԱՆ ԱՂԵՏԻ

«ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԱԾԽԱՏԱՆՔԱՅԻՆ  
ՕՐԵՆՍԴՐՈՒԹՅՈՒՆ», «ԱՐՀՄԻՈՒԹԵՆԱԿԱՆ  
ՓԱՍՏԱԹՂԹԱՇՐՋԱՆԱՌՈՒԹՅՈՒՆ»  
ԹԵՄԱՆԵՐՈՎ ԴԱՍԸՆԹԱՑՆԵՐ

# ԲՈՎԱՆԴԱԿՈՒԹՅՈՒՆ



- ◆ Ողջույնի խոսք
- ◆ Հանդիպում Մարդու իրավունքների պաշտպանի հետ
- ◆ Ըստ եւրոյան. Ախթալայի հանքափորների գործադուլը կհանգեցնի սոցիալական աղետի
- ◆ «Հայաստանի Հանրապետության աշխատանքային օրենսդրություն» թեմայով դասընթաց
- ◆ Աշխատանքային խնդիրներ և իրավունքներ | Ստուգված է
- ◆ Դասընթաց դասընթացավարների համար
- ◆ «Արհմիութենական փաստաթղթաշրջանառություն» թեմայով սեմինար
- ◆ Սեմինար արհմիութենական կազմակերպությունների նախագահների համար

# ՈՂՋՈՒՅՆԻ ԽՈՍՔ

«Արհմիութենական անցուդարձ» ամսագիրն լուսաբանում և հանրահռչակում է Հայաստանի արհմիությունների կոնֆեդերացիայի (ՀԱՄԿ) կողմից կատարված աշխատանքները: Այս ամսագիրը դարձել է հարթակ, որտեղ ներկայացվում են արհմիութենական առօրյա կարևոր իրադարձությունները, ծրագրերը և միջոցառումները, որոնք նպաստում են աշխատողների իրազեկմանն ու նրանց աշխատանքային, սոցիալական, տնտեսական և մասնագիտական իրավունքների պաշտպանությանը: Այսօր, ավելի քան երբևէ, տեղեկացված լինելը կարևոր է, և մենք շարունակում ենք մեր գործն՝ ամրապնդելով արհմիութենական շարժումը Հայաստանում և տարածելով տեղեկատվություն:



# ՀԱՆԴԻՊՈՒՄ ՄԱՐԴՈՒ ԻՐԱՎՈՒՆՔՆԵՐԻ ՊԱՇՏՊԱՆԻ ՀԵՏ

Փետրվարի 9-ին Հայաստանի արհմիությունների կոնֆեդերացիայի նախագահ Էլեն Մանասերյանը և նախագահի տեղակալ Տիրուհի Նազարեթյանը հանդիպեցին Մարդու իրավունքների պաշտպան Անահիտ Մանասյանի հետ:

Քննարկման առանցքային թեմաներն էին՝ Հայաստանի Հանրապետությունում աշխատանքային իրավունքի ոլորտում առկա խնդիրները, այդ թվում՝ աշխատողների աշխատանքային և սոցիալական իրավունքների պաշտպանությանն առնչվող հարցերը: Անդրադարձ կատարվեց գործադուլի իրավունքի իրացման հետ կապված խնդիրներին, այս ոլորտում լուրջ օրենսդրական ու ինստիտուցիոնալ փոփոխություններ կատարելու անհրաժեշտությանը:

Քննարկվեցին նվազագույն աշխատավարձի սահմանման, առողջ և անվտանգ աշխատանքային պայմանների երաշխավորման, միավորման ազատության իրավունքի իրացման, աշխատանքային իրավունքների պաշտպանության անհրաժեշտ կառուցակարգերի բացակայության, ինչպես նաև ոլորտում արձանագրվող ընթացիկ գործընթացներին վերաբերելի հարցեր:

Էլեն Մանասերյանն անդրադարձավ աշխատանքային իրավահավաստությունների ոլորտում միաթափայի Լեռնահարստացման կոմբինատում այս օրերին առկա իրավիճակին, հատկապես աշխատողների առողջ և անվտանգ աշխատանքային պայմանների բացակայությանը:

Կարևորվեցին նաև աշխատանքային վեճերով դատական վճիռների և որոշումների կատարման խնդիրներին:

Կողմերը հաստատեցին ոլորտում ինստիտուցիոնալ համագործակցության ամրապնդման կարևորությունը:



# Ըստ Էուբյան. Ախթալայի հանքափորների գործադուլը կհանգեցնի սոցիալական աղետի



Oragir.News

## ԲԻԶՆԵՍԸ ԶԻ ԶԱՐԳԱՆԱ՝ ԵԹԵ ԱՇԽԱՏՈՂԻՆ ՎԱՏ Է ՊԱՅՈՒՄ

Oragir.News-ի «Ըստ Էուբյան» հաղորդաշարում հյուրընկալվել է Հայաստանի արհմիությունների կոնֆեդերացիայի նախագահ Էլեն Մանասերյանը:

Չրույցի ընթացքում քննարկվել են Հանրապետական 4-րդ կոլեկտիվ պայմանագիրը, դրա մշակման ու ստորագրման գործընթացը, Ախթալայի հանքի աշխատողների գործադուլը, սոցիալական գործընկերության մեխանիզմներն ու Հայաստանում արժանապատիվ աշխատանքի մշակույթի ձևավորումը:

Էլեն Մանասերյանը ընդգծել է, որ եռակողմ պայմանագիրը միտված է պետություն-աշխատող-գործատու համագործակցության մշակույթի զարգացմանը՝ շեշտելով, որ աշխատողի բարեկեցությունն անմիջականորեն պայմանավորում է բիզնեսի զարգացումը: Նա նաև նշել է, որ Ախթալայի գործադուլը կարող է հանգեցնել սոցիալական լուրջ խնդիրների:

*Սկզբանորյուր՝*

<https://www.youtube.com/watch?v=oTuZAV0DFfk>

# «ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԱՇԽԱՏԱՆՔԱՅԻՆ ՕՐԵՆՍԱԴՐՈՒԹՅՈՒՆ» ԹԵՄԱՅՈՎ ԴԱՍԸՆԹԱՑ

Փետրվարի 18-ին կայացավ «Հայաստանի Հանրապետության աշխատանքային օրենսդրություն» թեմայով դասընթացը, որին մասնակցում էին ՀԱՄԿ-ի ճյուղային միություններին անդամակցող կազմակերպությունների արհմիության նախագահներ, աշխատողներ, կադրային մասնագետներ, հաշվապահներ՝ Երևան քաղաքից և մարզերից: Դասընթացները կազմակերպվում են արհմիության անդամների համար և լինելու են շարունակական:



## Աշխատանքային խնդիրներ և իրավունքներ | Ստուգված է

«Ստուգված է»-ն անդրադառնում են երիտասարդների  
աշխատանքային խնդիրներին:



Սկզբնաղբյուր՝ [https://www.youtube.com/watch?v=th\\_Shk6gN0E](https://www.youtube.com/watch?v=th_Shk6gN0E)

# ԴԱՍԸՆԹԱՑ ԴԱՍԸՆԹԱՑԱՎԱՐՆԵՐԻ ՀԱՄԱՐ



Հայաստանի արհմիությունների կոնֆեդերացիան Սոլիդարիթի Սենթեր կազմակերպության հայաստանյան ներկայացուցչության հետ համագործակցության շրջանակում անցկացրեց «Դասընթաց դասընթացավարների համար» սեմինարը:

Փետրվարի 20-22-ը Հայաստանի արհմիությունների կոնֆեդերացիան կազմակերպեց «Դասընթաց դասընթացավարների համար» եռօրյա սեմինարի երկրորդ փուլը՝ նպատակ ունենալով զարգացնել արհմիութենական ակտիվ կարողությունները և ձևավորել որակյալ դասընթացավարների թիմ:

Սեմինարին մասնակցեցին տարբեր ճյուղային արհմիություններից ներկայացուցիչներ, որոնք մասնակցել էին դասընթացի առաջին փուլին: Ծրագիրը կառուցված էր ինտերակտիվ մեթոդների վրա՝ ներառելով խմբային աշխատանքներ, գործնական վարժություններ, քննարկումներ և սիմուլյացիոն առաջադրանքներ:

Եռօրյա աշխատանքի արդյունքում մասնակիցները ոչ միայն ձեռք բերեցին նոր գիտելիքներ, այլև գործնականում փորձարկեցին դասընթացավարի դերը՝ մշակելով և ներկայացնելով իրենց մոդուլները:

Սեմինարը միտված էր ձևավորել կայուն և պրոֆեսիոնալ վերապատրաստողների, որոնք կնպաստեն արհմիութենական շարժման զարգացմանը և արդյունավետության բարձրացմանը:

Հայաստանի արհմիությունների կոնֆեդերացիան շարունակելու է իրականացնել կարողությունների զարգացմանն ուղղված ծրագրեր՝ կարևորելով կրթությունը որպես կազմակերպական առաջընթացի հիմնասյուն:






# «ԱՐՀՄԻՈՒԹԵՆԱԿԱՆ ՓԱՍՏԱԹՂԹԱՇՐՋԱՆԱԿՈՒԹՅՈՒՆ

## ԹԵՄԱՅՈՎ ԴԱՍԸՆԹԱՅ

Փետրվարի 25-ին կայացավ «Արհմիութենական փաստաթղթաշրջանառություն» թեմայով դասընթացը, որին մասնակցում էին ՀԱՄԿ-ի ճյուղային միություններին անդամակցող կազմակերպությունների արհմիության նախագահներ, ղեկավար մարմնի անդամներ՝ Երևան քաղաքից և մարզերից: Մասնակիցներին ներկայացվեց Արհմիության գործունեության օրենսդրական հիմքերը, անհրաժեշտ փաստաթղթաշրջանառությունը, արձանագրությունների, որոշումների բովանդակությունը և ձևը: Քննարկվեց նաև ՀՀ աշխատանքային օրենսգրքով սահմանված արհմիության լիազորությունները, իրավունքները, կոլեկտիվ բանակցությունները արդյունավետ իրականացնելու գործիքակազմերը:



# Սեմինար արհմիութենական կազմակերպությունների նախագահների համար



Փետրվարի 28-ին և մարտի 1-ին Հայաստանի արհմիությունների կոնֆեդերացիան Աղվերանում կազմակերպեց սեմինար՝ նվիրված արհմիութենական գործունեության կարևոր թեմաների՝ «Կոլեկտիվ բանակցություններ վարելու հմտություններ» և «Աշխատանքի պաշտպանության դերը և նշանակությունը» ուղղություններին:

Սեմինարին մասնակցում էին տարբեր ոլորտների արհմիութենական սկզբնական կազմակերպությունների նախագահներ, որոնց համար նման վերապատրաստումները կարևոր հնարավորություն են մասնագիտական գիտելիքներն ու առաջնորդական հմտությունները զարգացնելու համար:

Ճրագրի շրջանակում մասնակիցները ծանոթացան կոլեկտիվ բանակցությունների կազմակերպման և վարման արդյունավետ մեթոդներին, ինչպես նաև աշխատանքի պաշտպանության ոլորտում արհմիությունների դերին ու պատասխանատվությանը:

Սեմինարը անցկացվեց ինտերակտիվ ձևաչափով՝ ներառելով խմբային աշխատանքներ, քննարկումներ և գործնական առաջադրանքներ, որոնք հնարավորություն տվեցին մասնակիցներին ոչ միայն ստանալ նոր գիտելիքներ, այլև փոխանակել փորձ և քննարկել իրենց գործունեության ընթացքում առաջացող խնդիրները:

Վերապատրաստման արդյունքում մասնակիցները խորացրին իրենց գիտելիքները սոցիալական գործընկերության, արդյունավետ բանակցությունների և աշխատողների շահերի պաշտպանության ոլորտներում կարևորելով արհմիությունների դերը աշխատավայրում առողջ և անվտանգ աշխատանքային պայմանների ապահովման գործում:



**Հայաստանի արհմիությունների կոնֆեդերացիա**  
**Հասցե՝ Վազգեն Սարգսյան 26/3, Երևան, ՀՀ**  
**Հեռ.՝ +37410 583682**  
**[www.hamk.am](http://www.hamk.am)**  
**[hamk@hamk.am](mailto:hamk@hamk.am)**